



Stichting ter Bestrijding van Geluidsoverlast
Fundacion pa Combati Molester di Sonido
Foundation for Combating Excessive Sound

Oranjestad, 24 Augustus 2017

Estimado miembronan di partidonan político,

E mensaje aki a wordo manda pa tur partidonan politico.

Stichting ter Bestrijding van Geluidsoverlast/Fundacion pa Combati Molester di Sonido (SBG) a publica recientemente un encuesta/sondeo via su pagina di Facebook cu e meta di entende e problema di molester di sonido na Aruba. E encuesta a consisti di un pregunta: "Which type(s) of excessive noise inconveniences you the most?" (Traduci: "Cual tipo(nan) di sonido excesivo ta causa mas molester pa bo?").

E encuesta aki a wordo mira pa aproximadamente 12K usuario di Facebook na Aruba, di cual un 325 a duna su opinion. Interpola pa e poblacion di Aruba, por conclui cu e residentenan cu ta experiencia boroto, molester y / o iritacion ta mas o menos 3.000. Mas di 30% ta indica molester / experiencia molester di boroto di trafico. Esaki ta ensera e.o. boroto di auto, brommer, quads, etc. cu muffler modifica of elimina. Autonan cu instalacion di sonido (estilo boom-cars) y party-busses. Tambe trucknan pisa ta cai bao di e grupo aki. Un otro grupo di alrededor 30% ta indica di tin molester regular di su bisiñanan. Aki e causante principal ta audio (stereoset), fiestanan etc. Despues tin un grupo di aproximadamente 30%, cu ta indica di tin molester di comercio manera bar, discoteca, concierto y evento. Nos di Fundacion pa Combati Molester di Sonido (SBG) a ricibi reclamo di e areanan di Oranjestad, Noord, Palm Beach, Madiki y Tanki Flip. E resumen di e reclamonan ricibi pa SBG:

<https://www.facebook.com/sbg.aruba/app/190322544333196/>
of directamente riba: <http://tour.mapsalive.com/37201/page1.htm>.

E resultadonan di e encuesta/sondeo:
<https://poll daddy.com/poll/6342223/?view=results>

Di acuerdo cu "World Health Organization" molester di sonido ta un problema grandi y subestimado. Molester di sonido ta conduci na problemanan di salud manera p.e. _
disturbio di soño, stress, iritacion, aumento di presion, disminucion di productividad, perdida di oido, aritmia cardiaco.

<http://www.euro.who.int/en/health-topics/environment-and-health/noise/data-and-statistics>
http://ec.europa.eu/environment/noise/health_effects_en.htm

Nos di Fundacion pa Combati Molester di Sonido (SBG) ta puntra e partidonan politico lo siguiente: Ki accion(nan) y ki medida(nan) bo partido, como representante di pueblo, ta bay tuma pa resolve e problema aki cu e fin di garantiza e disfrute liber di tranquilidad den hogar pa nos hendenan?

Nos ta spera boso contesta, cu lo wordo publica riba nos pagina di Facebook (<https://www.facebook.com/sbg.aruba>) pa asina tur nos "friends" por tuma nota di e posicion di nan partido politico favorito encuanto di molester di sonido na Aruba.

Presidente di SBG
Evan R. Giel

"Safe your life by lowering excessive sound"